


雞足山志補

四卷一冊
介庵書眉

地 733.5
68.82-2
部=



此書係陝西省城土地廟十字李字字號

並未註明李字字號祇係登記李字

生客號

雞足山志
補

雪生題檢



中華民國二年夏五
月京師聚珍版印行

雞足山志補序目

雞足山志。初脩者江陰徐氏弘祖。增修者丹徒錢氏邦芑。其原書今皆不存。今行世本。曰潘陽范氏承勳重脩。以余觀之。殆一沿錢氏之舊。不過於詩文增入數篇。而冠以己叙。暨諸大吏之叙耳。錢志面目猶是。惟徐志無徵。差幸霞客游記之末。附錄雞足山志目與志略。爲得其體例大槩而已。昔人致慨於新志出則舊志亡。不其然哉。民國壬子秋八月。余與騰衝李君印泉。既解兵柄。挾僚友爲雞山之游。住悉檀寺者旬餘。節展所至。援古證今。十得八九。而山中文獻。志外所佚。或載往籍。或遺僧寮。猶往往而有。印泉謂宜輯爲志補。余深韙之。爰首鈔徐氏志目志略。則可與錢志互證者。次人物。次金石。次勝聯。次書畫。次藝文。則錢志所未載者。釐爲四卷。付之胥史。時日既促。聞見復隘。謂補舊志之缺。惡矣。然銖積黍累。後之有修山志者。或亦不無有取於斯。劍川趙藩識。

卷一徐氏志目志略人物

卷二金石書畫勝聯

雞足山志補

序目

一

京師京華印書局刷印

卷三藝文

卷四藝文

雞足山志補卷一

滇西趙藩輯
李根源

徐弘祖雞山志目

卷一

眞形統彙。此山之綱領也。山名。山脈。山界。開闢。鼎盛。

卷二

名勝分標。勝概本乎天。故隨其發脈。自頂而下分也。峯。巖。洞。臺。石。嶺。梯。谷。峽。箐。坪。林。泉。瀑。潭。淵。溫泉。

卷三

化字隨支。功業本乎人。故因其登陟。自卑而上升也。中條刹舍。

卷四

化字隨支。東條刹舍。西條刹舍。

雞足山志補卷一

卷五

化字隨支。絕頂羅城。山外刹舍。附坊亭橋聚。

卷六

神跡原始。傳法正宗傳。附法顯事跡。附小沈事跡。古德垂芳。名宿傳。高隱傳。

卷七

宰官護法。名宦傳。鄉賢傳。附檀越信施。勝事紀餘。靈異十則。景致十則。物產。臨蒞。朝參。市集。塔墓十則。

卷八

藝苑集成。集詩。集文。

徐子曰。志圖經者。有山川之一歟。志山川者。又有圖經之全例不相假也。茲帙首眞形。次名勝。次化字。漸由天而人。次古德。次護法。則純乎人矣。勝事天之餘。藝苑人之餘。故

又次焉。此編次之大意也。

徐弘祖雞山志略一。

異靈十則

放光。老僧香。金雞泉。收蛇穴。石門復開。土主報鐘。經聲應耳。然身雷

雨。猿猴執炊。靈泉表異。

景致十則

山之有景。即山之巒洞所標也。以人遇之而景成。以情傳之而景別。故天下有四大景。圖志有八景十景。豈天下之景數。反詘於郡邑乎。四乃拔其尤。十乃足其數也。若雞山則異於是。分言之。即一頂而已。萃天下之四觀。合言之。雖十景。猶拘郡邑之成數也。絕頂四觀。東日。西海。北雪。南雲。觀之有四。分於張直指。而實開闢以來。即羅而致之。四之中。海內得其一。以爲奇絕。而況乎全備者耶。此不特首雞山。實首海內也。

雞足山志補卷一

京師京華印書局刷印

華首重門

龍華浩劫。轉恨此門不關。不知使其中堂奧潛通。縱別有天地。不過一窈窕之區耳。何如雙闕高懸。一丸中塞。使仰之彌高。望之不盡乎。故方廣石梁。以爲五百應真之地。而亦傍無餘寶。其意正與華首同也。

太子元關

瓊臺中懸。已凌灝爽。元關上透。更轉虛靈。排雲出沒於烟霞之上。所稱群玉峰頭。瑤池月下。彷彿在此。

羅漢絕壁

每愛袁石公補填積雪成新徑。展拓閒雲架小廬之句。行羅漢壁。宛然詩中畫也。至其崩雲疊翠。人皆面壁。石可點頭。自是一幅西來景。不煩丹青落筆。

獅林靈泉

山下出泉。有停有流。皆不爲異。乃泉不出於麓。而出於巒。巒不出於坳。而出於脊。脊不

出於外瀉。而出於中垂。垂垂不出於旁溢。而出於頂灌。此惟獅林念佛堂見之。欲不謂之靈不得也。

放光瑞影

川澤之氣發爲光燄。海之蜃樓。谷之光相。皆自下而上。放光四壁深環危崖上擁。靈氣攸聚。瑞影斯彰。其與四大比隆宜也。然四大亦惟我眉五臺。其光最異。若九華普陀。亦止佛燈未著光相。故放光之瑞影。眞四之中。二之上者也。

浮屠勝綰

三距東環。百刹中峙。扁龍華於雙闕。懸象魏於九重。金掌天中。祇欠當門一健。玉毫遍地。忽成華藏千祥。既合此尖。永證勝果。

瀑布騰空

匡廬之瀑。不及雁岩。獨得列名四景。以人所共瞻也。雞山玉龍瀑布。亦不若猴子峒峽中。岩石掩映。然玉龍獨掛山前。漾盪衆壑。領挈諸勝。與匡廬同。不得分大小觀也。

雞足山志補

卷一

三

京師京華印書局刷印

傳衣古松

雞山之松。以五鬣見奇。參霄蔽隴。碧蔭百里。鬚眉盡綠。然挺直而不虬。巨潤而不古。而古者常種也。龍麟鶴鰲。橫盤倒垂。纓絡千萬。獨峙於傳衣之前。不意衆美之外。又獨出此一老。

古洞別天

雞山巖有重門。洞無奧室。獨於山後。另闢神境。蓋山脈至此將盡。更出一番胚胎。令人不可測識。人所共瞻者。則扁之。使不可幾。人所不到者。則通之。示有所入。何山靈之幻乃爾。

雞山志略二

諸寺原始。俱以年次爲先後

接待寺。嘉靖間。天心和尙。跪華首門。遙禮初祖。迦葉爲師落髮。乃創此寺於山麓。又建聖峰寺於山半。其後有寶山禪師。得受衣鉢。現在講師和雅。住聖峰寺。

聖峰寺 寶山禪師建。後和雅嗣之。

龍華寺 隆慶間。元慶和尚開山。後嗣孫雪亭重建。前題石鼓名區。閣題水月。石鼓以左峰絕頂高聳。有聲如鼓也。

石鍾寺 以樓下掘出石形如鍾。故云石鍾。又云以建寺時。側崖有石。風吹如鍾聲。皆無的據。

放光寺 嘉靖間。古德無窮禪師。河南人。創建。護法檀越李中谿先生。無窮後嗣。有歸寶禪師。建藏經閣。閣成。神宗賜藏。

寂光寺 嘉靖間。古德定堂禪師。創建。檀越李中谿蘇大雲趙雪屏三先生。俱翰林。又居士楊碧泉。皈依禪師。捐貲建造。後嗣用周禪師。大興宏敞。又建大覺寺。請無心禪師住持。後嗣野愚大師。現住靜。見曉。現住南直中峰。克心。現住持。

大覺寺 萬曆間。無心禪師奉密旨。齋華嚴寺藏經至此。用周請住此寺。後嗣遍周現住。

雞足山志補 卷一

四

京師京華印書局刷印

幻住菴 嘉靖間。寂安禪師創建。德行具碑記。後嗣定光。今名福甯。現在住持。妙宗天香。壽九旬。

華嚴寺 嘉靖間。南京古德月堂。創建。聖母賜藏。回祿後。有法孫野池重建。參隨張賓軒護法。

那蘭陀寺 萬曆間。古德所菴禪師。創建。師尋甸人。護法檀越黔國武靖公。參隨張賓軒。後嗣高僧本無。講師。子宗念。休現在。克徽在滇。省圓通寺。禪師大力。現在靜主。蘭宗幹。蠱。常住良一。

悉檀寺 萬曆間。古德本無。建。護法檀越麗府生白木公。後嗣法潤宏。辨安仁。體極。補處菴。嘉靖間。古德廣西如正。禪師。創建。後嗣本真。所菴禪師傳記。念誠住持。西竺寺 萬曆間。古德飲光。禪師。創建。

會燈寺 嘉靖間。闍然老師。先結靜室。今法嗣朗耀。創建叢林。迦葉殿法眷。

大士閣 萬曆間。直指沈建立。請古德拙愚。禪師住持。師乃五華龍泉二寺法眷之主。

後嗣虛字。現在大士閣中住持。

傳衣寺 古圓信菴。古德大機禪師創建。中谿李先生護法。後嗣映光禪師宏建。回祿後。映光後嗣法界重建。即今覺悟住持。旁建八角菴。圓通菴。慈聖菴。雷雲菴。靜雲菴。淨土菴。開化菴。九蓮寺。報恩寺。白石菴。

萬松菴 萬厯間。古德中泉禪師創建。後嗣離微禪師重修現在。

古迦葉殿

羅漢壁靜室。廣西禪師。印宗禪師。幻空禪師。

獅子林靜室。蘭宗禪師。大力禪師。

大靜室。野愚禪師。

旃檀嶺靜室。克心禪師。

九重崖靜室。本無禪師。大定禪師。聞璽禪師。

各刹碑記

止止菴記 賓川知州黃岡廖自伸記。萬厯三十二年。

又止止菴記 荊州知府前翰林庶吉士監察御史郡人李元陽記。嘉靖三十八年

傳衣寺記。長蘆運使郡人阮尙賓記。萬厯甲辰。

鼎建大士閣三摩禪寺記。知賓川州廖自伸記。萬厯丙午。

重建放光寺銅碑。李元陽記。

仰高亭記。柱史周茂相記。萬厯三十五年。

寂光寺傳衣法嗣紀略。雲洱舉人孫啓祥撰。崇禎九年。

西竺寺碑記。進士陶珽撰。萬厯戊午。

寂光用周禪師道行碑記。御史昆明傅宗龍撰。萬厯己未。

人物

盛覽

盛覽字叔通。後更長通。西漢葉榆人。與同學張叔。至若水。就司馬相如受經。歸教鄉人。嘗深入雞足青檀山。潛石室中。作賦心四卷。

唐九徵

唐九徵。唐監軍御史。景龍元年冬。九徵討土番蠻寇。師次漾濞。審形勢。景雲元年。僞退師。使管記閭丘均駐白厓。而自選精銳。自姚州道。潛入青檀山。圖進取。夢黑衣人曰。叩石門。斷鐵絙。次日詢知。爲迦葉道場。乃禮華首厓。走閒道。至石門。斷番人鐵絙橋。大敗番衆。不使與西洱蠻通。至玄宗開元時。以鐵絙鑄柱。立於漾濞。以紀功。閭丘均有靈山紀夢記。詳其事。

杜光庭

杜光庭。唐青城人。以學士謫蜀。非御史杜光庭也。嘗因安南經略使王式請贖罪使滇。

雞足山志補卷一

六

京師京華印書局刷印

至則事不果行。乃留南中。集生徒爨泰等講授。咸通七年丁亥。入青檀山。卒。年八十有六。爨泰等葬之玉局峰下。

高泰明

高泰明。字如訓。南詔段氏封以翊聖公。其父高昇泰歿時。屬之曰。段氏不振。國人推我攝國事。不得已從之。訪知段正瀄避居保山。爾當迎還歸位。泰明乃遣族人熙暢。及學士李象元。詣保山。迎正瀄歸位。改號後理國。泰明曾遊雞足山。至是於山建慧光寺。明洪武中。大理僧無極朝京師。與帝談及泰明讓位事。帝諭禮部。追封讓國公。有諭祭之文。載楊弘山風遂錄中。又載其事於葉榆人趙慎瑜所輯南詔崇文錄中。

汝南王

汝南王。明高帝第五子。名梗。通經好學。明於大義。洪武二十六年癸酉。建邸雲南。而王志樂山水。於次年甲戌八月。遊雞足山。曰。家難將作。願老死於是山耳。其後一年乙亥。歸國。以燕王不道狀上。上集朝議。不得已。廢王爲庶人。靖難初。王再復國。復以大義責

成祖成祖賜書諭之終不遜竟奪冊徙之雲南王曰老死雞山之願酬矣欣然就道至洪熙元年丙午感王敦倫義烈又徙楚封岷王

程本立

程本立字原道明崇德人洪武中謫馬龍他郎甸長官司吏目沐英使任守禦嘗單騎深入楚姚大理鶴麗一帶開諭安撫往來多至雞足山至洪武二十六年癸酉在雞山錄所著詩文曰巽隱集因題石鍾寺左廊中曲室曰巽隱軒字體迢逸濃勁後來張瑞圖等所宗法也徵還入翰林靖難師起慷慨殉焉

楊慎

楊慎字升庵明新都人官修撰以議禮謫滇於嘉靖四十一年壬戌與永昌張含訂游雞足先至牟尼菴久待而含不至慎毅然有住山脩志意所作雞山詩文一帙計八十七葉適庵庵焚盡燬慎曰山靈將潛德以如飲光入定之志乎不然何表章之弗欲也遂書一絕句於壁曰方知太古澗然在自悔文章一畫多漫擬雪中消焰燼尋思議禮

雞足山志補

卷一

七

京師京華印書局刷印

竟如何遂別雞足而往九隆

陶珽

陶珽字葛園晚字不退明姚安人萬曆庚戌進士歷官至武昌兵備曾居雞足山讀書白井庵大覺寺臨摹古帖於楞迦室書與邢子愿齊名又交陶石簣袁中郎黃慎軒董思白陳眉公時以詩文唱和集曰閬園錢謙益序之又纂說郛續鍾伯敬史懷皆刊行

木公

木公字恕卿明麗江土知府屢游雞足山所著曰萬松吟玉湖邊錄

木青

木青字松鶴又字長春明土知府能詩工書隆慶庚午游雞足山禮華首門羣鷺環集張太史邦化爲之記

木增

木增字生白明土知府萬曆四十四年乙卯游雞山修華嚴寺藏經閣四十六年丁巳

復至山。剏建悉檀寺。招普禪爲住持。遣道源道慈賫表赴京。請藏供奉。崇禎二年己巳。又至山。修一衲軒。碧雲山房。其詩曰雲蘊集。

悟禎

高耀。字海容。又字青岳。又字芝山。出家後。更名悟禎。字友山。明姚安土知府。性孝友。好施予。當沙定洲之亂。棄家。從黔國公沐天波守楚雄。又從至永昌。及歸。慨天下事去。即常止僧舍。甲子。黔國感其仗義相從。荐於永曆帝。授太僕寺丞。升光祿寺卿。轉太僕卿。給建議大夫誥命。封妻木氏淑人。播緬之役。從至騰越。相失。遂歸雞足山。於大覺寺請水目無住師剃染。泛覽三教書。暇即念佛。每歲施衣藥不懈。復手剏高氏家廟。敬老堂。祀田。而修葺寺刹。至不可勝紀。庚午疾終。曇華山。子裔映。有學行。曾續修雞山志稿。

徐弘祖

徐弘祖。字霞客。明江陰諸生。欲遍游天下奇山水。崇禎丙子。將滇游。道經江南之迎福寺。有僧靜聞。蓮舟法嗣也。禪誦二十年。刺血書法華經。欲供之雞足山。遂同行。行抵湘

江。遇盜。槩僧墜水中。猶擎經於頂不失。後至廣西。靜聞病且死。囑霞客曰。我志不得達。死願歸骨於雞山。霞客憐其志。因歸骨於益。携至雞山。止悉檀寺。供奉經卷。乞地塋焉。寺僧仙陀義之。邀衆爲建塋。乞晉甯黃郊爲之銘曰。孰驅之來。遷此皮囊。孰負之去。霞客俠腸。志葬名山。骨且不死。千古傳之。佳話臻此。麗江世守木增聞之。乃重聘霞客。剏修雞足山志。編稿八卷。成書後。以病乞還江陰。未幾病卒。

雞足山書畫詩禪人表

明

讀徹蒼雪。普荷擔當。玄珠仙陀。妙地博也。圓易義印。廣稱眼藏。

釋禪本無。如清韞之。妙謙恂如。如一恒如。學蘊知空。古道。

古笈。古處。古乘。無盡。發育。谷遷。

印寬。道真。寂定。釋閭。把茅。道光。

清

同揆輪庵。心一中也。洪希蒼波。廣昭德音。朗月慧光。普默耳觀。

慧輝朗徹。小坡。達諦。

雞足山腐賢表 字里官秩分注不悉者缺之

明

程本立原道崇德 徐元圭魯人揚州 閃繼迪吏部保山 楊 慎升庵新都

雞足山志補

卷一

九

京師京華印書局刷印

敖 琰司務思南 顧養謙 李元陽中谿太和 孫愈賢御史

沈天錫浙江 張 含禺山保山 李逸民 江 濬都使司

楊士雲弘山太和 馮時可憲副江蘇 胡 禧僉事 錢邦芑大錯丹徒

周復俊進士直隸 李文續參政四川 謝肇淛在杭 張應井知縣璧山

馬顧澤副史 駱問禮參議 鄧仲文 徐泰來郡守

周仕國郡守 周懋相御史江西 張學懋 王士性 浙江

吳子朗 葉扶雲舉人湘潭 方 沅提學 徐弘泰憲副

蔣御曦禮部浙江 謝東山進士 陳天工 王 珣憲副

阮尙賓知州 廖士伸知州 劉用啓知州武岡 范允明憲副直隸

李如楠詹事貴州 江思濬巡按浙江 蔣爾第知州 蘇 湖

陳大猷郡守瀘州 汪 蛟翰林歙縣 陳起相 徐宏基魏國公

杜鼎黃 黃復生憲副黃州 陶 珙 姚安 鄧原岳提學

朱泰禎巡按浙江

陶 珽不退姚安

白紹光郡守

許謨定

高翥映雪君土府

馬 麟重慶

張 炳

孫 桐我軒鶴慶

曾化龍賓川

王墀漫

程 還二遊昆明

許正權歙縣

周應遇

朱 昂子 昆明

楊明廷

趙炳龍雲升戶部

羅汝芳近谿

程公輔休寧

高應雷澹生知縣

李 贊卓吾晉江

何如璧徽州

李定國晉王

朱 昌巡道

毛 堪巡按

羅洪先念庵

木 公恕卿土府

趙繼義郡守

沐世堦黔國公

木 青松鶴土府

王元翰聚洲御史

周 鉞知州

木 增生白土府

傅宗龍忠壯兵尙

王錫衮大學士

許 鴻子羽中書

張開旭聖草知州

沐昌祚黔國公

劉文徵太僕卿

陳 斌蜚菴金陵

陳佐才 蒙化

何閔中巡道黃岡

楊畏知文烈寶雞

於 遷友豐蒙化

周東華

戈允禮保山

於 還子喬蒙化

譚文化進士四川

楊 黼 太和

雞足山志補

卷一

十

京師京華印書局刷印

曾高捷進士賓川

潘 濬巡按

清

曹延生憲副四川

李思謙學正鎮遠

王命來郡守

盧桂生憲副墊江

卞廷槐知州三韓

李崇階象岳浪穹

章爾佩憲副

來 度郡丞會稽

孫繼佐確山

諸穆圖提督滿洲

許 謨廣安

趙大生祥符

范承勳總督漢軍

牟從周知縣桐梓

程春翔貴陽

蔡毓榮總督漢軍

周麟徵知縣貴陽

曾學祖舉人

王繼文總督漢軍

官純胤蘄水

光 勳廣東

李仙根別駕四川

穆維深遼東

張瑞揚知州永平

羅時昇知州武陵

章爾瑜貴州

劉 慥布政永北

張錫祚國學生

倪巽生郡守巴縣

張端亮退庵蒙化

劉德溥別駕涿州

方正陽陸涼

葉之馨重慶

黃元治郡丞歙縣

來 聰陝西

發 育遼東

王在極郡守四川

馬會伯總兵

沈 魁郡守三韓

福康安總督滿洲

甘國壁巡撫漢軍

蔣陳錫總督

江蘭巡撫

偏圖提督滿洲

雞足山志補

卷一

十一

京師京華印書局刷印

雞足山志補卷二

滇西趙根源輯

金石

悉檀寺

溜銀鐵如意。明僧釋禪所遺。

金頂寺

大銅香爐。爐在銅殿前院落中。高丈五尺。圍圓亦如之。明永曆時。孫可望部將王尙禮所鑄。爐陽面鑄陰文曰。固原侯弟子王尙禮。率男廣祿。原籍陝西西涼府。固原衛。羣門所張城人氏。自丁亥歲。躬隨國主臨。演發心清崇三寶。修嚴各山寺院。刊印釋道經懺二藏。施送十方。延請僧道。拜諷佛道經懺百二十藏。建設羅天大教。已經三載。余於雞足金頂。竭誠修理殿閣。粧飾金身。鑄造大爐。供奉迦葉。立帝聖前。以垂永久。仰賴佛光普照。上祈國主聖壽無疆。皇圖鞏固。次冀文武曹僚。品秩崇高。四海昇平。民安物阜。

雞足山志補卷二

京師京華印書局刷印

伏願自身康泰。福壽深長。子嗣繁昌。吉祥如意者。左耳鑄文曰。永曆八年季夏月吉日。敬建。右耳鑄文曰。爵前中軍邱維良標官徐應長王國盛魏思孝鑄士陸乘龍。住持主事白玉。

勝聯

石鍾寺

碧雲深處羅汝芳

清梵普聞王繼文

慈雲普照馬會伯

薛蘿居董其昌

法雲煥彩范承勳

覺寶王音高翮映

滇西勝境費淳

響震大千蔡毓榮

廣大法門福康安

幾人出世能忘世。願我居山且話山。擔當

花放笑顏開。種蒂曾分雙樹下。雞啼塵夢醒。發明全在五更初。擔當

華嚴寺

華嚴法界沐世堦

松雲絕勝周

鉞

雞山龍藏朱

昌

作麼生會擔

當

曾欽顧帝王錫袞

法雲長藹蔡毓榮

大哉乾元李元陽

毘盧法界王繼文

掃榻無多地棲禪別有天擔當

到盡頭千峯寒色在這裏一笑儼然擔當

佛有真如非色非空成妙覺僧依本分無人無我號平常擔當

萬重山裏常懸慧日慈燈法性本明不用天龍留一指四大部中別有真詮妙諦虛空無住何勞神象負三車蔡毓榮

大覺寺

大雄之殿沐昌祚

妙莊嚴海李一鵬

塵夢一清范承勳

萬聖傳心王元翰

杲日當空蔡毓榮

聖化遐宣范承勳

篆煙泉淙必泓

覺含虛空王繼文

大千隻眼趙繼義

華首真宗甘國璧

世尊宮殿高廣無邊寶幡自天上飛來何處見得心動和尚家風甯澹若此公案從手中拋卻這纔喚作法空擔當

雞足山志補

卷二

二

京師京華印書局刷印

諸名哲披風戴雨歷盡寒酸只爲向上一著善知識苦心毒口無量接引莫待後會重來陳斌

迷則不覺覺則不迷好從大圓鏡中照出本來面目色即是空空即是色卻向真如界裏證明無上菩提蔡毓榮

傳衣寺

竹林清隱毛堪

花笑法揚永保

信衣有待王繼文

法苑傳燈江蘭

法周沙界蔣陳錫

心傳千古福康安

峰影遙看雲蓋結松風靜聽海潮生羅汝芳

花爲傳心開錦繡松知護法作虬龍王元翰

好依水草尋牛去不種梧桐免鳳來擔當

以出入息供養諸佛無些子事打攪青山擔當

寂光寺